



3

# DEKLARÀCIA VASH O HAKAIJA

## Dini jekhe manuśesqe k-o phandlipe puçhlăripnasqo Trafiko drogenqo

**O informàcie po tele si te oven phendine tuqe ande jekh çhib kaj halöves.**

**Şaj te inkeres akava dokumènti sa o vaxt kana inkëren tut puçhlăripnasqe**

San zanavd/o/i kaj çhite tut k-o inkerimos phandlo puçhlăripnasqe odolesqe so patăl pes, godăça aj bute butënθar, kaj kerdăn ja zumavdăn te keres jekh krima ja delikti phandle e drogenqe trafikeça.

Si tut hakaj/prăvo/drèpto te zanes i kualifikàcia, i dăta aj o than kaj patăl pes so kerdăn i infràcia savăqe akuzonen tut thaj o aśa sosqe çhivde tut k-o phandlipe puçhlăripnasqo.

Ka puçhen tut pal akala ondımăta/făkte k-o vaxt so inkeren tut k-o puçhlăripe, zi k-o biś thaj śtar çăsură.

Pal akava văkti, o Prokuròri e Republikaqo ja o krisărno e investigaciaqo śaj te lel decizia te lungărel o inkërimos phandl/o/i k-o puçhlărimos pànda biś thaj śtar çăsură Normal, ka legaren tut anglal akava krisărno savo ka puçhel tut, śaj vi kameraça p-o internet.

Kana musaj e anketaqe ja e investigaciaqe, thaj eksepcional, o krisărno e investigaciaqo ja o krisărno e mukhlimasqo aj e phandlimasqo, pal o manglipe e republikaqe prokuroresqo, śaj te lungăren o inkerimos k-o puçhlăripe duj var kotar biś thaj śtar çăsură sarkon var.

No, kana dikhöl pal-o anglune śtar var deś thaj oxto çăsură kaj trebul but vaxt vaś i investigàcia so si kerimasqe, o krisărno e mukhlipansqo aj e phandlipnasqo, pal o manglipe e Republikaqe prokuroresqo, ja o krisărno e investigaciaqo śaj te lungărel o inkerimos k-o puçhlăripe sadaj jekh drom/var, pànda śtar var deś thaj oxto çăsură.

Kana agordel o phandlipe puçhlăripnasqo, sar phenel i decizia e Republikaqe prokuroresqi ja e investigaciaqe krisărnesqi, ja ka biçhalen tut k-o krisărno, ja ka mukhen tut. K-i jèkhto hipotèza, ka nakhes anglal jekh krisărno andre k-o biś çăsură pal-o agor e puçhlăripnasqe phandlipasqo, khrial te açhılan k-o akava phandilpe puçhlăripnasqo maj but sar 72 òre/ chasura/ saatija.

**Şanaven tut vi kaj si tut hakaj/drèpto/prăvo te:**

**şanaves varesave manuśen kaj astarde tut**

Şaj te mangel varekon te akharel jekhe manuśes saveça beşes te phenel lesqe kaj san inkerdo k-o puçhlărimos, ja te dades ja te daja ja jekh te phralenθar ja te phenënθar, ja tire brakhne çhutino kotar o sùdo, savo lel sàma tuθar.

Şaj te şanaves vi e manuśes kaj keres buti.

Te san avrutn/o/i, śaj te şanaves e avtoritète/ i administracia k-i konsulăta e Themesqi kotar san.

O Prokuròri e Republikaqo ja o krisărno e investigaciaqo śaj te phenel na, te refuzil to manglipe, kana dikhel kaj si maj miśto kadial vaś i anketa.

Normal, akala bută si te oven kerde andre k-o trin çăsură kotar o momènti so manglan len, nùmaj kana naśtil pes, śaj vi maj palal.

**Te dikhel tut jekh doktòri**

Şaj te manges te zas k-o doktòri kotar o śird, sar phanden tut puçhlăripnasqe thaj vi kana lungăren o

inkëripe. Te lungërde to inkeripe phandl/o/i puçhläripnasqe, musaj si te te dikhel tut jekh doktòri thaj ka phenen tuqe so šaj te kames pàlem jekh kontròla k-o doktòri.

**Te keres deklaràcie, te des anglal o puçhimàta ja te na des dùmà, te na vakeres khanć**

Pala so phendan kon san, katar san, kana thaj kaj biandilan, k-o puçhlärimàta, si tut hakaj/pràvo/drèpto:

- Te keres deklaràcie,
- Te des anglal o puçhimàta so puçhen tut,
- Ja te na vakeres khanć.

**Te des dùmà, te vakeres jekhe avokateça**

**- Alosaripe e avokatesqo**

Kotar o šird, sar phandaven tut, šaj te manges te ažutinel tut jekh avokàti so tu alosares les Kana na pinzares avokates ja kana o avokàti so alosardan našti te lel pes kontàkti leça, šaj te manges jekh avokàti kotar o them, bi lovenqo.

Jekh manuś kolenθar kasqe phendan kaj inkeren tut k-o puçhläripe šaj te čhivel tuqe avokàti. Atùnci si te keres confirmàcia akale avokatesqe.

**- Ažutipe e avokatesθar**

O avokàti so avel tuqe šaj:

- te del dùmà, te vakerele tuça 30 minùte. Te lungërde to inkëripe k-o puçhläripe, šaj te manges palpalem te des dùmà leça kotar o šird, sar astarel o lungäripe.
- thaj te manglan, vi te bešel tuça kana puçhläen tut aj kana čhiven tut averença te mothoven so sas.

**- Kana del andre o avokàti**

-Pal-o nevòje e anketaqe save ispiden kaj te puçhen tut imediat, o prokuròri e Republikaqo ja o krisärno e investigaciaqo šaj del autorizàcia, lileça kaj mothovel vi o motive sosqe, kaj te puçhen tut bi te ažukeren o duj çàsură te avel o avokàti.

-Kana si but vasno, i intervèncià te avokatesqi šaj te ovel ispidime maksimum ži k-o 72 çàsură.

**Ažutipe kotar jekh rinćhibärno/tromàci**

Te na vakerdän ja te na halòvdan francikanes, si tut hakaj/drèpto/pràvo te ažutinel tut bi lovenqo jekh rinćhibärno/tromàci k-o puçhlärimàta thaj kana des dùmà te avokateça.

**Hakaj/drèpto/pràvo te manges te ačhavdòl o inkëripe k-o puçhläripe**

Šaj te manges kotar o prokuròri e Republikaqo, kotar o krisärno e investigaciaqo ja kotar o krisärno e phandlipnasqo aj e mukhlipnasqo, kana akava krisärno si te lel i decizia vaś jekh lungäripe e inkëripnasqo, kaj te na maj lungärel to inkëripe k-o puçhläripe.

**Akcèsi/dromandre k-o varesave lila tire dosaresθar**

Tu ja to avokàti, anglal so te ovel jekh lungäripe e puçhläripnasqe inkëripnasqo, šaj te mangel te dikhen:

- o proces-verbàli e informaciaqo kaj čhite tut k-o inkëripe puçhläripnasqo;
- o certifikàto ja o certifikàte pal o sastipe so kerda o doktòri kana dikhla tut.
- o proces-verbàli ja o proces-verbàlă e puçhlärimatenqe.